



საქართველო  
G E O R G I A

სსიპ - ააკაი წერეთლის სახელმწიფო უნივერსიტეტი  
LEPL - AKAKI TSERETELI STATE UNIVERSITY



59 თამარ მეფის ქ., კუთაისი, 4600, საქართველო  
ტელ: (+995 431) 245 784; (+995 431) 243 833  
ელ. ფოსტა: atsu@atsu.edu.ge

59, Tamar Mefe st., Kutaisi, 4600, Georgia  
Tel.: (+995 431) 245 784; (+995 431) 243 833  
E-mail: atsu@atsu.edu.ge

№ 01-04/34 30.05. 2017 წ.წ

**უნივერსიტეტში სტუდენტის სწავლის ვადის განსაზღვრის, სტატუსის შეჩერებისა და შეწყვეტის შესახებ**

1. სტუდენტი არის პირი, რომელიც საქართველოს კანონმდებლობითა უნივერსიტეტის მიერ განსაზღვრული წესით ჩაირიცხა და სწავლობს უნივერსიტეტში ბაკალავრიატის, მედიცინის ერთსაფეხურიან, მაგისტრატურის, დოქტორანტურის საგანმანათლებლო პროგრამაზე.
2. სტუდენტს შეიძლება შეუჩერდეს ან შეუწყდეს სტატუსი. სტუდენტის სტატუსის შეჩერების მაქსიმალური ვადაა 5 წელი. სტუდენტის სტატუსის შეჩერებიდან 5 წლის გასვლის შემდეგ, პირს უწყდება სტუდენტის სტატუსი, გარდა კანონმდებლობით გათვალისწინებული შემთხვევებისა.
3. საგანმანათლებლო პროგრამის დასრულებისათვის სტუდენტთან გაფორმებული ხელშეკრულების პირობების შენარჩუნებით მას ეძლევა სწავლის ნომინალურ ვადას(ბაკალავრიატი - 8 სემესტრი, ერთსაფეხურიანი საგანმანათლებლო პროგრამა სამკურნალო საქმე -12 სემესტრი, სტომატოლოგია-10 სემესტრი; მაგისტრატურა - 4 სემესტრი; დოქტორანტურა - 6 სემესტრი, მასწავლებლის მომზადების ერთწლიანი საგანმანათლებლო პროგრამა-2 სემესტრი) დამატებული ორი სემესტრი. აღნიშნული ვადის ამოწურვის შემდეგ, სწავლის გაგრძელების სურვილის გამოხატვის შემთხვევაში, სტუდენტთან ფორმდება ახალი ხელშეკრულება. წინააღმდეგ შემთხვევაში, პირს უწყდება სტუდენტის სტატუსი.
4. სტუდენტის სტატუსის შეჩერების საფუძველია:
  - ა) პირადი განცხადება(მიზეზის მითითების გარეშე);
  - ბ) უცხო ქვეყანაში, უმაღლეს საგანმანათლებლო დაწესებულებაში სწავლა, გარდა გაცვლითი საგანმანათლებლო პროგრამის ფარგლებში სწავლისა;
  - გ) ორსულობა, მშობიარობა, ბავშვის მოვლა ან ჯამრთელობის მდგომარეობის გაუარესება(თუ დოკუმენტურად დასტურდება სასწავლო პროცესში სტუდენტის მონაწილეობის შეუძლებლობა);
  - დ) ფინანსური დავალიანება ან დაწესებულების წესდებით გათვალისწინებული სხვა გარემოებები;
  - ე) სამხედრო სავალდებულო სამსახურში გაწვევა;

ვ) აკადემიური და ადმინისტრაციული რეგისტრაციის არ გავლა;

ზ) სასწავლო პროცესიდან მოწყვეტა:

ზ.1. დამატებითი (minor) პროგრამებზე, ძირითად (major) პროგრამის არჩევით კომპონენტებზე (მოდულები, კონცენტრაციები, არჩევითი სასწავლო კურსები, თავისუფალი კრედიტები) რეგისტრაციის არ გავლა უნივერსიტეტში დადგენილი წესით (ელექტრონული რეგისტრაცია; გაკათებული არჩევანის დაფიქსირება დეკანის სახელზე დაწერილი განცხადებით);

ზ.2. სწავლის გაგრძელების მიზანშეუწონლობა - სასწავლო სემესტრით გათვალისწინებული კრედიტების მთლიანი მოცულობის (30 კრედიტი) არ/ვერ ათვისება თ) პირადი საქმის უნივერსიტეტში ერთი თვის განმავლობაში არ/ვერ წარმოდგენა.

5. სტუდენტის სტატუსის შეწყვეტის საფუძველია:

ა) სტუდენტის მიერ სწავლების შესაბამის სასწავლო საფეხურზე საგანმანათლებლო პროგრამის დასრულება;

ბ) პირადი განცხადება;

გ) უნივერსიტეტში სწავლის პერიოდში 5 წელზე მეტი ხნის განმავლობაში სტატუსის შეჩერება;

დ) საგანმანათლებლო პროგრამით გათვალისწინებულ ერთ-ერთ სავალდებულო სასწავლო კურსში სამჯერ კრედიტის ვერ ათვისება;

ე) ამ ბრძანების მე-3 მუხლით გათვალისწინებული პირობების შეუსრულებლობა;

ვ) მედიცინის ერთსაფეხურიან საგანმანათლებლო პროგრამებზე კომპლექსური საკვალიფიკაციო გამოცდის სამჯერ ჩაუბარებლობა;

ზ) ფაკულტეტის საბჭოს მიერ სტუდენტის მიმართ განხორციელებული დისციპლინური დევნის შედეგად მიღებული გადაწყვეტილება უნივერსიტეტის ეთიკის კოდექსის, „მინაგანაწესისა და დისციპლინური პასუხისმგებლობის ნორმების დარღვევის გამო“;

თ) პირადი საქმის უნივერსიტეტში ერთი სემესტრის განმავლობაში არ/ვერ წარმოდგენა.

6. სტუდენტის სტატუსის შეწყვეტასთან დაკავშირებული სხვა სამართლებრივი საკითხები წყდება მოქმედი კანონმდებლობითა და უნივერსიტეტის სამართლებრივი აქტებით დადგენილი წესით.

7. სტუდენტის სტატუსის შეწყვეტის შესახებ სამართლებრივი აქტით გათვალისწინებული სამართლებრივი შედეგები დგება ბრძანების გამოცემიდან 12 თვის შემდეგ. დროის ამ მონაკვეთში სტუდენტის სტატუსი ითვლება შეჩერებულად და სტუდენტი უფლებამოსილია ისარგებლოს მობილობის უფლებით და გადავიდეს სხვა უმაღლეს საგანმანათლებლო დაწესებულებაში.

8. სტუდენტის სტატუსის შეწყვეტის შემთხვევაში, მისი ხელახლა მოპოვება დასაშვებია კანონმდებლობით დადგენილი წესით.

9. ამ ბრძანების მე-4 მუხლის „ვ“ პუნქტი ამოქმედდეს 2017-2018 სასწავლო წლიდან.

10. გაუქმდეს რექტორის ბრძანება № 01-04/64 4.10. 2016 წ. უნივერსიტეტში სტუდენტის სწავლის ვადის განსაზღვრის, სტატუსის შეჩერებისა და შეწყვეტის შესახებ.


11. კანცელარიის უფროსმა ე. ცირევიძემ უზრუნველყოს ბრძანების უნივერსიტეტის შესაბამის სტრუქტურაში დაგზავნა;

12. ბრძანების უნივერსიტეტის ვებ-გვერდზე განთავსება დაევალოს საგარეო ურთიერთობებისა და განვითარების სამსახურის უფროსს პროფ. დ. გეგეჭკორს.


13. ბრძანება ამოქმედდეს გამოქვეყნებისთანავე.

საფუძველი: საქართველოს განათლებისა და მეცნიერების მინისტრის 2010 წლის 4 თებერვლის №10/ნ და 2015 წლის 10 ივნისის №59/ნ ბრძანებები, 2016 წლის 16 მაისის №35/ნ აწსუ-ს წესდება.

რექტორი:

 პროფ. გიორგი ლავთაძე

სასწავლო პროცესის მართვის  
სამსახურის უფროსი

 პროფ. ი. ბასილაძე

